

Powšitkowne WOZJEWJENJA

njedźelu, 23. měrca 2025

Na Ekumeniski póstny seminar

Na třećim wječoru lětušeho Ekumeniskeho póstneho seminara w Smochčanskim kubłanišću swjateho Bena, stejacy pod hesłom „Wobchad z wohnjowymi murjemi – wotmjezowanje a mjeza“ porěči pónđzelu, 24. měrca, w 19.30 hodž. farar dr. Michael Kleiner. Wón zaběra so z bibliskeho wida z temu, a to pod hesłom „Moje plany su hinaše hač vaše plany“ (Jezaja 55,8-9). Z filmowym wječorkom pónđzelu, 31. měrca, w 19.30 hodž. so rjad skónči. Na wšitke zarjadowanja přeprašuju Ewangelsko-lutherski cyrkwinski wobwod Budyšin-Kamjenc, Budyski dekanat, Towarstwo Cyrila a Metoda z.t. kaž tež Smochčanske kubłanišće swjateho Bena. Wšitcy zajimcy su wutrobnje přeprašeni.

Kemše w Róžeńće

Na swjedženju Přizjewjenja Knjeza, wutoru, 25. měrca, budu w Róžeńčanskej hnadownej cyrkwi kemše w 9.00 hodž. Wšitcy wěriwi su na nje wutrobnje přeprašeni.

Nóc wujednanja w Róžeńće

Wšitcy wěriwi, hač mužojo abo žony, młodzi abo stari, su sobotu, 29. měrca, do Róžeńčanskeje swjatnicy na nóc wujednanja přeprašeni. Serbscy młodostni ju wuhotuja. Nóc wujednanja započnje so w 20.00 hodž. z nyšporom a wustajenjom Najswjećišeho a skónči so z Božej mšu w 23.00 hodž.

W běhu wječora změja wěriwi składnosć, so modlić, na hudźbu słuhać abo ćicho wo sebi rozpominać a na Boha słuhać. Zdobom změja zamołwići wšelake stacije sprihotowane, mjez druhim impuls k temje „Što je nadźija? Štó abo što da mi nadźiju?“ kaž tež rozmołwne koło z cistercienskami klóštra Marijineje hwězdy. Na administraturje budžetaj Halina a Chrystofer Wjenka w 20.30 a 21.30 hodž. wo zmysle mandželstwa kaž tež wšelakich dimensijach lubosće pod hesłom „Čehodla so hišće zmandželić? Teologija mandželstwa a wosobinske swědčenje“ přednošować. Zdobom móža wěriwi list na Boha pisać, próstwu a džak zwuraznić a k sakramentej wujednanja, swjatej spowědži, přistupić, abo wo duchownu rozmołwu prosyc.

Kóždemu samomu je přewostajene, kak sej wječor časowje zarjadowuje. To rěka, zo je móžno přez cyły čas přítomny być abo po swojim dobrozdaću přińć abo woteńć. Do Božeho domu zastupić budže jenož přez zadni zachod móžno. Cyrkej budže tepjena.

Informaciski wječor

Wo svojich poskitkach w Dnjowej hladarni Hornjołužiskeho Zwjazka Carity z.t. „Při Krabatowym puću“ we Worklecach informuje jeje nawodnica Jěwa-Marija Šnajdrowa wutoru, 25. měrca, w 19.00 hodž. w rumnosćach hladarnje. Wšitcy zajimcy, wosebje tež ći, kotřiž doma přiwuzneho hladaja, su wutrobnje přeprašeni. Na prašenja Jěwa-Marija Šnajdrowa tež telefonisce rady wotmołwja, a to pod čisłom (03 57 96) 94 24 70.

Putnikowanje swójbow

Putnikowanje swójbow do Róžanta budže zaso pjatu póstnu njedźelu, lětsa je to 6. apryla. Boža mša w hnadownej cyrkwi zahaji so w 9.00 hodž.

Kopija ikony swjateho křiža w serbskich wosadach

Znamjo Drježdžansko-Mišnjanskeho biskopstwa za Swjate lěto, kopija ikony swjateho křiža Assisiskeje cyrkwy w San Damiano, budže po serbskich wosadach pućować. To zahaji so w nocy wujednanja w Róžeńčanskej swjatnicy sobotu, 29. měrca, a skónči so pjatu póstnu njedźelu, 6. apryla, z putnikowanjom swójbow na samsnym městnje. Wosadam je přewostajene, kak tute přebywanje wuhotuja, na přikład z nyšporom, kemšemi abo modlerskej hodžinu. Sčěhowace stacije su předwidžane:

sobotu, 29. měrca	Nóc wujednanja w Róžeńće
njedźelu, 30. měrca	dopołdnja w Ralbicach (Boža mša) popołdnu w Kulowje (nyšpor)
póndźelu, 31. měrca	w Njebjelčicach
wutoru, 1. apryla	dopołdnja we Wotrowje popołdnu / wječor w Budyšinje
srjedu, 2. apryla	dopołdnja w klóštrje Marijinej hwězdze w Pančicach-Kukowje popołdnu w Chrósćicach
štwórtk, 3. apryla	w Baćonju (dotal w Radworskej wosadze planowane)
pjatk, 4. apryla	dopołdnja w Radworju (dotal w Baćonju planowane) popołdnu w Zdźěri
sobotu, 5. apryla	w Róžeńće (Boža mša we 8.00 hodž), zwostanje tam
njedźelu, 6. apryla	w Róžeńće – putnikowanje swójbow ze serbskich wosadow

Kubłanje na polu prewencije přećiwo seksualizowanej namocy

Prewencija přećiwo seksualizowanej namocy je wažny wobstatk džěla z džěćimi a młodžinu we wosadach. Zaměr je, nowu kulturu wzajomneje zhromadnosće wuwijać. K tomu su prewentiwne struktury a procesy trěbne. Worklečanske dekanatne dušepastyrstwo za džěći a młodžinu poskićuje k tutej temje kubłani na póndźelomaj, 19. meje, na Ralbičanskim „Radlubinje“ a 2. junija we Worklečanskim Don Boskowym domje, stajnje wot 18.00 do 21.00 hodž. Wšitcy pomocnicy na nabožnych prózdniških dnjach we wosadach, ale tež dalši čestnohamtscy, kotřiž maja tam zwisk z džěćimi a młodostnymi, na přikład w sakristiji abo ze šolu, su na jedne ze zarjadowanjow wutrobnje přeprošeni. Městna su wobmjezowane. Přizjewjenja přijimaja so jenož online. Link k tomu kaž tež k dalšim wažnym informacijam je pod www.posol.de wozjewjeny.

Sabina Lanzyna, referentka za pastoralku džěći

Literarna kofejownja

Přichodnu literarnu kofejownju zarjadowuje Budyski ekumeniski tachantski wobchod zhromadnje z Krajnej centralu za politiske kubłanje Sakskeje. Wona budže srjedu, 26. měrca, w 19.00 hodž. w rumnosćach foruma Budyskeje wokresneje ludoweje uniwersity, Wulka Bratrowska hasa 6 (něhdyša kofejownja „Goliath“). Na zarjadowanju čita Berlinski awtor Igal Avidan ze swojeje najnowšeje knihi „... und es wurde Licht – Jüdisch-arabisches Zusammenleben in Israel“. Zastup je darmotny, wo dary proša. Wšitcy zajimcy su wutrobnje přeprošeni. Woni móža sej knihu zdobom kupić a signować dać.

Ministrantska kopańca

Koparski turněr ministrantow ze serbskich wosadow budže sobotu, 30. awgusta, w Pěškecach. Započatk je w 9.00 hodž. z Božej mšu we wjesnej kapałce.

„Nóc bibliotekow“ tež w Serbskim insituće

Serbska centralna biblioteka (SCB) wobdželi so přeni raz na cyłoněmskej „Nocy bibliotekow“. Wona wotměje so pjatk, 4. apryla, wot 18.00 hodź. pod motom „Wědu dźělić a sej wotkryć“ („Wissen.Teilen.Entdecken“) w Serbskim insituće na Dwórnišćowej 6 w Budyšinje. Hnydom we 18.00 hodź. wotewrja tam kabinetnu wustajeńcu k dźěławosći nakładnistwa Lusatia. Dale předstaji dr. Robert Lorenc Mukowu „Statistiku lužiskich Serbow“ z lěta 1886 (w němskej rěči). Sćěhujaja krótke a zabawne čitanja powědkow, krimijow a lyriki, překi a podłu našich wobstatkow, w serbskimaj rěčomaj a němsce. Čitaja Madleńka Šoćic, Měrcin Wjenk, Anja Pohončowa a Měrana Cušcyna. W sydarni předstaji młode towarstwo Serbska murja swoje wideja k serbskim stawiznam a přeprašuje zajimcow so w hrě „QuizSerb“ wubědźować.

Serbske kemše w Drježdźanach

Drježdźanscy Serbja – wosebje tež młodži – su na maćernorěčnu Božu mšu njedzelu, 6. apryla, w 16.00 hodź. do cyrkwy swjateho Antonija na Bünauskej 10 přeprašeni. Přizamknje so bjesada ze swačinu.

Pytaja wosobu, kiž hosći wozy

Zwjazk Carity pyta za swoju Dnjowu hladarnju „Při Krabatowym puću“ we Worklecach wosobu, kotraž by jeje hosći wozyła. Wona ma jich doma wotewzać, do Worklec a skónčnje zaso domoj dowjezc. Nadrobne wupisanje z adresu zarjadnišća je pod www.posol.de wozjewjene.